

石田先生文集

二



石田先生文集卷第一



五言古詩

都門一百韻用韓文公會合聯句詩韻

詩中有二字非元韻蓋祖常荒學不能
用古韻故也延祐五年八月作

逌躬操耒耜奉身寡帷幙田居水春磴城宿霜
鳴柝凝塵尚沉冥幽賞任飄泊行歌鮮同歡起
舞真獨作嘯詠氣頗雄攀躋力或弱膠木植幢
蔭醜石欬獸惡心恥婦女仁志薄游俠諾校書
揚雄官入粟卜式爵娛情愜會哢失意被蜂蠹
佩履侍殿陛觚牘宴館閣傭童飼棧駒賤婢占

卷一

一

屋鵲上書願封禪監祠議嘗杓紅瓔綴花房碧
刺胷藂薄春旗天仗浮秋駕星河涸補衮子何
能懷祿我所作英聲襲蓮炬貴籍謝魚鑰造謁
每赧然循默譬沃若壁蝸涎篆歌穴蟻戰壘却
組繡紅縷連罨畫翠色著卿雲暮邑屋瑞雪塗
郭郭群儒修麟經諸將宣豹略請劔斬樓蘭傳
檄喻印笮賈區紫具粢酒爐銀甕鑠潑刺鱸翻
砧郭索蠊就縛水嬉鬪魚龍山蒐獻熊攬竒服
燕姬姪獠語滇童愕東郊買鬪雞西市賣馴鶴
宛宛綠頸鳳濯濯紅頭雀豪僧佛宗開大巫鬼

物託迎祥有時和驅厲無旱虐漕粟大庾盈賦
桔崇唐錯圈虎割肉喂鞞鷹搏禽嚼荔丹貢甌
閩橘顆芭沔鄂能賦皆郵枚飛翰盡盧駱未央
曲杲愚長揚市羽繳閑棋遇咲仙雜劇坐忘瘡
飲飛頭虎毛刑官面瓜削朝儀徵魯生廟獻賓
商恪天池漾文波海島通潛壑婦功春蚕溢穡
事秋田穫器羨鏤桐梓冶良鑄錢鑄街撻布虐
陰觀闕朔寒廓治廷播訓救清邊禁剽掠窮駸
炙馳蹄勾麗醢熊脚詰奸鉏大猾恤隱菽深瘼
靈囿白獸浮禁籞黃鵠落時方追治古事乃繼
疇昨巢槽尚羊裘華門仍葦箔周封表鎮望禹
畫首河洛聲明惜馬纓音律辨牛鐸郎署紆銀
艾王邸施丹雘轍浚千車馳塵壘萬馬躍碣石
入渤澥太行分嶺萼士女工鞞絲王孫帶荷橐
清明日月懸統正宇宙拓分行下觀風立聽上
宣噩服官綺纒屬虞衡輶旁魄脍脯販澤國乳
潼給沙漠木禾神所食石蜜刀所斫天樞夾杓
垣日畿絡雄莫鼎豈以金鑄山豈為銅鑿戴憑
席重重周舍言諤諤錫宴屢在鎬咸秩亟祠霍
造邦象邨室立法簡漢約吾生類是鷲賤跡雜

兔格囊書爛星芒匣劍瑩霜鏐雨耕稗頻薈月
斲石或搏尋真養三芝求方問五藥傳奇存山
經輿地指井絡悠悠秋剪菘晏晏春食藿親歡
戲假面客至樂吹簫恃才頗優游使酒漸諧謔
山深木敷榮野迥鶴寂寞擔簦踏槐黃疊袂聯
棣萼移官居旂常職領專錡鑄遮塵帽頂席隨
俗屋蓋藉俸錢具菹醢飲餒嘗背腰孤危衆易
傾獨立古難卓徒跣防毒蛇空拳困狂狷出弊
季子裘入舍居士屬海運知化鷓鴣見居屈蠖
門高譽荀龍才逸薦補鷄逍遙投壺歌慷慨擲
骰喙有興即騎行無疑豈龜灼俎豆觀揖讓賓
介講獻酢風樵李涵冰日幌櫻衰酪鄰飢馬通
爨市醉羊屠醜耘德鉞礪刃稱藝弩引曠任情
受世疵肆志探古博奏賦始中程諫獵終失度
不念褻恤緯已謂童舞勺寢興避彈射周折準
規護襍被丘中琴揚舲池上酌桐孫迸空枝竹
穉穿石籜南翁日種涑北地日產柞蓄厚用不
殫材衆工豈格甘泉祠猶清西河居乃索菁莪
採衢謠湛露興徒号帝仁載大輿臣詩埒微燭
史官詳纂記儲以輶甕紉

壯游八十韻

十五讀古文二十舞劍器馳獵溱洧間已有丈
夫氣稟糧上高高靈竒發天秘燁燁三秀芝為
我擢粲翠空青丹銀品伏龜鏤文具駢羅星辰
精附麗日月會紫鳳友朱鷺翩翩劇翔戲飛閣
舒鳥翼懸泉瀉珠琲磨崖見古刻應是列仙記
捫蘿欲登觀苔滑阻凌厲烟霞蒼蔚隣霧雨蕭
颯至余時戴籜冠綠辟照縞袂檀藥有盤石真
人每同憇北臨黃河水濁流觸天沸蛟龍之鼉
鼉鱗介滿水裔衝波崩金堤萬夫廢穡事官

卷一

四

憂其勞玉馬歲沉祭江淮畫鷁船夜上訶嚶嚶
魚鹽不直錢寡婦豈拾穗釀酒相呼飲顛倒再
拜跪中心忘嗔訶縱談詆漢魏三十能歌詩鄙
薄雕虫技不肯學仕宦慷慨負高義持錢送酒
家觴至即一醉羹芋嶰谷筍飯煮山陽糝峨冠
擬魯儒短衣真楚製遠行探禹穴六月剖丹荔
巫峽與洞庭彷彿蒼梧帝三吳震澤區幼婦裁
眉細唱歌攬人心不可留滯泇淮達汶泗摩
挲泰山礪聖鄉有亡書求道六容易童子操觚
牘價重麒麟蜀京國天下雄豪英盡一世舞羽

肅文教橐甲飾武備馬跡見騰塵車轍聞憂轄
輦騫天觀起鱗雅并屋綴千畝開靈潢馴象浴
其汭我皇拓文場群髦咸戰藝汨予黔婁生言
辭罔締繪但幸晁董死收拾在等第臚傳下閭
闔恩澤承滂沛春雲覆林塘雜花懸火齋詞垣
正舒華吹竽獨無喙執筆御史府羞縮如牡蠣
彈評則春秋齟齬失剖劓問俗西夏國駟過流
沙地馬嚙首着根人衣駱駝毳雞鳴麥酒熟木
砮薦乾薺浮圖天竺學焚尸取舍利安定昆戎
居貪鄙何足貴返途歷邠岐原田表古畷宛宛

陶穴民艱難謀樹藝驪山塋秦魄茂陵迷漢窶
黍離悲故宮脩竹徧清渭日入狐狸驕天陰蟬
螻鬻溫泉出津陽古瓦識唐字閩河隔山東華
岳秋更霽首陽餓夫薇霜露已憔悴鑄牛挽浮
梁恍惚水所噬晉俗棗齒黃冀馬電蛇駛井陘
阨坤維太行逼象緯煌煌日圍近赫赫天人瑞
田舍植汶篁郵亭擷吳桂優游逢化國俯仰詠
樂歲豈用百二險乃自十一稅北都上時巡扈
蹕浮雲騎宴鎬帳殿移拜洛周廬衛崑空山櫻
繁川曲紅藥膩列障敕勒塞萬里靜烽燧九節

菖蒲良貢篚充藥餌疇昔閉戶居耽讀未見試
三年不窺園自謂五經笥四十得俸祿僅可給
羹餼誰能薄淮陽不作鳴臚寺簡書畏懷歸孤
矢示初志振鷺方擢質冥鴻忽垂翅感嘆對囊
螢興言友荷蕢諒非廊廟具頗異市井輩當曳
鄒陽裾願擁文侯筆

贈客

疊嶽擢蒼蔚繁英粲紛葩銀繭霰已積翠幢柏
方遮劇飲肆豪縱清談宴賓嘉叫嘯虎當岵趨
鎗鶴行沙聯娥聘趙女貫珠唱吳娃露庭汎蘭
蓀風閨透幽紗魚泳文波圓禽翔喬雲斜逸樂
諧金石清真况烟霞洗藥秋汲澗種秫春燒畬
寓言託莊列潛心著羲媧所貴丘園賁終然心
匪避

挽林彥栗秀才

女蘿附高松榮華凌衆草猗蘭困蕭艾顏色亦
自好難彼谷中人絲絢被織縞生世固不諧埋
銘宜有攷

舟中望鄧嶧山

魯雲偃車蓋汶水流魚鱗操舟返任濟川梁號

通津東望鄧嶧山六丁鑿嶙峋靈崑淄泉乳仙
遊道霞輶石髓若可食吾將託茲身

西方樂 二首

魯郊秋已深西灤多蒲魚日暮積靄重維舟月
生初露涼水禽宿雨晴艷芙蓉擷花結楚佩宛
若湘南居

東平西鄆外船尾到籬根共歎原田沒兼愁邑
屋翻秋寒雲亦雨天晚日初暄野市飢無米流
離惜子孫

讀陶潛詩

伯夷恥粟餓屈原避讒死獨有柴桑翁一不失
張弛所以百世下風流激頽靡避觀八極表衰
榮何足數

送表伯長歸泲東 三首

龍角不如犀常不生馬廐麟趾不如牛終當在
君囿我行泰山阿日觀望潮候見子被雲服家
居爽靈鷲揖之不得近跋慕塵光後

玄圖詳鳥官丹經譜黃銀羲媧鑿崆峒羅列大
法陳蔚矣夫子胸如天懸星辰英聲發為辭商
盤襲周幽王官豈不衆虛席需儒臣安車行有

召無弄越水春

雞鳴戒僕御具食起就塗僅取資給周豈謂車
騎都行過青齊野忍見人逃逋翁姑纍帶索眼
睽無完膚即欲與盤飧但可飽一夫遲遲去國
旌能得不疾驅

貢待制文修撰王都司同賦牡丹分得

色字

名都擅攘華竒葩紛翕掩頰暈紅絲艷囊垂挂
蠹蝕初凝沆瀣水漸展蒲萄織仙綬曳雙環么
鳳盤六翼粲粲春奩瑩晶晶風燈直可伶昭容

卷二

八

袖縹緲見顏色

齊宿太社署 五首

朱門屹南起金水經北流繚垣外旁達周屋內
廣修圭玉承璫藉碧鏤飾衣篝中壇土五色夏
松露浮浮改容事明神豈謂茲淹留

明世容謏薄依光秩散署束帶揖上官攝衣奉
神御泉冽器每滌芻香牲六茹循壇習登降趨
位就表著翼翼清祀修濟濟百辟助願神錫茂
衽褱切相蕃庶賤臣捐俸稍牽犢耕雞曙
元宰職天工太史繹帝載庶官服攸司同寅承

聖代赫奕旂常華議禮出藻繪齋官熏沐居衣
裳步鳴佩鞭榜吏牘急投足有殫効乃知容臺
貴終日俎豆內

齋宮蔚清華前榮畫方壺古礎石夫容日景射
銅鋪嘉木蔭長夏堦草宜露濡丘衛限囂雜簷
網懸蜘蛛署書督梁盛設吏視茅苴端居見博
士布武循庭除

樂工奏宮懸登歌布獲切祠官侍奠瘞靈輅下
玄穹祝辭求善歲侑我種與種種及人飢報
祀百禮隆瑣瑣大社令樂戢朝上公

古意

秋羅畫雙蝶涼練透紅綃鬱紆翠縠積騰挈鳳
盤翹公子高宴入水閣芙蓉搖來禽丹砂紅石
蜜春冰消歡情光景洽壯意風雲飄所期國士
知豈謂虞人招

苦寒 五首

肅肅歲已宴冽冽冰霰集寒雲光不流槁木鳴
日夕挾纊處南戶巖稜坐相襲端然成離居合
念穉陽復

寒裳居重戶驚飈蹈書帷穴地篝石火持須得

冰嘶杲杲日出光萬物待被施豈無陽和節歲序非尔私

納履非遙征瑾戶豈寡交今茲祁寒候火井凝冰汜離人嘆無衣原獸淫豸稍憂端坐耿耿鷄鳥動嘒嘒

南戶日頗暄居獨意六適觀物契妙道含情想真識靜翬理雖殊造定趣乃一古人不可求茲焉寄游息

日精赫重光午景延冬暄真見煦物切始覺陽道尊玄冥歛時肅衣被元氣溫鼻端有消息守

此觀化原

報春堂

青陽布仁德萬品含景滋人道貴有報天施終匪私遲遲春暉和寸草為生資聊觀孟氏詠載攷生民詩

古詩 三首

繾綣憂腸興觴至不能醕高颺揚塵沙倏倏滿戶竅冠屨對孔經蠅亦集堂窻淹留藉君子相與一晤咲

弱馬不可御復尔路阻脩石子頭犖确馬足無

所投馬足無所投顛隕臨道周何能乘黃鵠四
海一日遊

凌晨視園蔬綠色承露英命婦自採摘終朝掬
不盈持以充庖厨豈療飢腸鳴婆娑秋菘葉不
受魚肉腥朝暎煦寒畦中心含素馨

淵明始末圖

畫史謝文字託意有粉繪高人蹈古道終造玄
澹會涉世情豈真採菊心若寄持須撫自謂翁
也得竒計載觀始末圖悠悠似相契

錄囚大典府公廳書事

寒泉汲露井水盤薦丹果晝永榴火繁風微筠
粉墮雖欣景清麗復厭事藂瑣堦庭列群吏敲
朴狴犴夥折獄乏才辯傷民困袒裸初余居田
畝鉞鑄每親荷幽賞諧夙昔文字當燕坐諷詠
弄毫素射獵削箭筈江介觀海濤河外陟嵩隄
訪隱同壺觴問道辨介羸今也行作吏冠帶苦
色裹翹首望南雲三心逐東軻

擬古

崇臺拂繁雲阿閣蔭廣路上有彈琴女文采被
烟霧玉食薦翠盤渴飲瑤草露鄙薄貧士妻終

歲弄機杼

春寒二首

叶風應青陽羲御南其軻生榮兆植物民氣趨
和柔三農興歲功鈔鑄日以修云胡司寒神正
月行斂收獵獵驚颼來壯士畫索來冰梁阻沃
溉龜拆橫大疇穡事忽愆時誰與飢餓謀得見
吹律衍吾將迎道周

歲律啓璇室天家授人時嘉生達勾萌厚德宣
靈祇玄切既旁被吾人亦咸宜曩在閉閔日商
旅車不脂瑟縮謹蓋歲宛宛如蚌龜茲遇孟陬

月遲日載景熹春酒續古意游子求履緝豈悅
草木華可貴陽道施陽道一以施衆美俱無疵

春雲

高雲起城闕沅離度庭樹依風拂迴塘波瀾光
影注荒林帶踈烟照日亂縈縷婉變連浮陽空
明暎淒霧嵐翠含玉暉景采滿崑嶼道遙幽賞
諧緬邀世娛阻

送衛大隱上者

飲馬盧溝河水寒傷馬骨牧羊居蒲關草短餓
羊腹君行苦匆匆我且無掘粟陟岡望高雲東

南有黃鵠

送幼度御史南游

辭官亦有道，諧世亦有窮。君子尚高義，賤物不
賤躬。含情適夷曠，潛心入玄冲。旌旆或南出，求
子江水東。

田間

中田蒔桑柘，周垣列苑柳。居然成農耕，林廬頗
完好。朋從時往過，牀頭出尊酒。意氣每酣適，仰
視北有斗。豈知念湘纍，那復嗟漢叟。丈夫貴立
志，文字託永久。

賦海月送彭君教授九江

江月照人近，海月涵太清。大地積微塵，何能醫
其明。逝光儼陽耀，陰魄獨含精。况尔朝夕池，呼
吸成虛盈。持茲燭玄造，萬類無循情。彭君忽起
揖，子以知言名。

王維輞川別業詩圖

野水已不流，野田已無腴。日夕華子岡，狐狸上
丘陵。高人茲為土，畫墨飛塵凝。空餘古韻語，彷彿
金石典。

新歲丁卯二首

玄髮日已皓行年屬知非持身仕明時出入謹
細微瑣屑文墨賤藻飾供脂韋秩秩叙天經嘯
此萬齒饑枉已未敢進斯願豈終違
獻歲時序改真宰布陽和默默玄運交生物有
駢羅天塗日宣光泮水渙文波豈樂具春服農
祥願無訛

飲酒六首

進仕當盛明自謂非時才狂斐學文字無聖為
我裁二者俱寡合終令智士哈斯旦已陽春對
我聊持盃祖母在堂上小孫方稚孩俯仰見五
世吾生豈悠哉

卷

十四

簡編有重訛折衷無權衡黎庶有重困救藥無
持平昔老賢聖出屯蹇躓其身躓身不躓道龍
蛇果能神棄置姑飲酒陶然會天真萬物各遂
性雜沓向我陳

祖母九十七堂上受封恩小孫初一月哇哇孤
矢門吾生豈不遂知足心不煩在昔田里中學
書不窺園隣舍或招飲怒不與之言矜持稱廉
隅過往太守軒
明聖經幄寄討論啓沃
賢皇明古道因以存時日得賜酒獨酌還厭喧

考妣早棄我得祿不逮親幸茲有祖母九十康
強身我情終不樂日思我親仁襁抱免水火少
長俾知論出入鄒魯俗用變宿習曰植松在淮
山稼民為齊民興念輒涕泣有酒亦逡巡
昔我七世上養馬洮河西六世徙天山日日聞
鼓鼙金室狩河表我祖先群黎詩書百年澤濡
翼豈梁鶴嘗觀漢建國再世有日殫後來興唐
臣胤裔多美氏春秋聖人法諸侯亂冠笄夷禮
即夷之毫髮各有稽吾生賴陶化孔階力攀躋
敷文佐時運爛爛應壁奎

嗟哉寡諧合蒼髮禿不齊觴至即飲醕猶恐逢
訶詆衆人以儒進我不限吏資入官養交譽惟
恐不合時含笑作雅詠遭罵亦詭隨出入殘華
要譎諉成其私積階漸崇貴剽獵章句辭鼓頰
說古今證據稱云為斯世豈可誣小夫甘自欺
興言發喟嘆飲者終不知

留別沂州張君仲

揚舫下彭城分颿上沂水與子作別離眷言重
徙倚曩在京華居連室同井里出則馬轡聯入
則衣袂比今也各散去相顧意未已我操田器

歸子執州符仕慎勿輕此身期以善自心

觀耕者有言

庶矣新田殖疲民得無飢先輸公家賦又足食
其私老父揖我語歲切實由茲劭農古有官助
給牛種施今官亦勸農行田吏奔馳爾去告爾
長我自安無為

禮部合化堂前後栽小松三首

買松栽兩階綠髮已可梳恐是女元君截鬢生
地腴遲尔千尺長下產黃琥珀服以安心神飛
身作仙客

樹色綠透戶晝景如歲長微風吹几帷硯池麝
墨香分曹寡職業糜廩充鼠腸多因文史間陶
然肆其狂

有屋山之陔有田水之湄如何又苟祿屈伸隨
世人納履斯端征騁心斯喪真興言每自悔願
為耕鑿民

萑草不除

大夏萬物長萑草多華滋勾芒發若穎苞實各
及時賴尔有野意使我情恍怡誰云田中殖嘉
穀亦如茲

六月七日至昌平賦養馬戶

馬足與石鬪石齒齧馬足足跛背生瘡突兀瘦
見骨官家日有事陸續使者出使者貴臣子騎
馳逐日轂驛吏報馬斃鞭撻寡婦哭寡婦養馬
戶前年夫死役占籍廣川郡有田種菽粟翁姑
昔在時城邑復有屋連歲水無旱游飢罹不泚
夫死翁姑亡田屋盡質鬻寡婦自養馬遠適鷗
窩谷績紡無麻絲頭葆脛膚黑塞下藜莧少空
釜煮水泣驛吏鞭買馬磨筭向山石安得天雨
金馬壯口有食

寄六弟元德宰東鹿

我有六兄弟我長汝最幼我長守田廬汝幼侍
親右跋涉萬里途隨牒越閩岫親復當官清晝
坐寘宴豆教汝讀詩書夙夜獵文囿不幸親棄
予萬里汝扶柩汝兄元禮賢斬服携汝去我自
河淮南迎喪匍匐救號哭天不應崩裂屢顛踣
歸安桐鄉阡銘文手自鏤買石鑿石儀樹柏夾
漢獸俯仰嘆存沒今茲霜露又汝今出作縣我
偶尚書筮戒汝憶親教公田代耕耨汝素謹禮
法口未見嗔詬更宜歌我詩無視我老謬憔悴

傷民恫恚忿兩莫闔縣政書考切同去聽山溜

葆真觀納涼二首

虐旱熾初暑煩囂不可滌城隅有琳館松竹蔭
午日呼我良朋來嘯咏各岸憤蕭然忘世慮相
對坐盤石

淪茗滌塵襟煩暑亦可忘團團篔簹中扇復開明
月光况此太清居林樾天風涼誰鑿河漢水為
我兩八方

端午効六朝體

脩篁發秀林圓荷疊芳池采絲擷霧縷紗縠含
風漪蕤賓應樂律端陽正歲時馥馥蘭湯沁灑
灑蒲酒持漢宮闔草戲楚船張水嬉江心鑄龍
劍好用照湘纍

移梅四首

幽屏逐魚鳥沉跡儔隱淪所欣在林藪嘉植日
以親眷言江介品紛葩號南珍遇我好奇服移
根得良因井井十畝園菁茆蔭澗濱縞裳擢玉
質宜此空山春

始迤爨下瓦復服燎原焚結根園畝間炯炯臨
水濱疏華照歲暮綠萼栖寶熏春陽桃李繁鼎

實獨已先遐情愜真賞來置我石田北枝散餘
霞苔光生碧鮮

玄冬陽已復仙葩綴疏星隔浦映碧竹隨風墮
寒燈我來刈新烝施檐南山陘攀莖嗅清馥擷
英嚼芳馨膠結灌木藁顏色無光熒彷徨未忍
棄洗濯歸林亭
植爾當庭隅豈復資鼎味遷爾自谷中豈復相
嫵媚冽冽玄冥候衆植各浮脆高標自凌寒孤
尚獨冠歲么禽何處來飛下雙羽翠

田居二詩寄元參議

十九

積潦被原田瀦水滿陂塘具我錢罇器刈稻飼
牛勝周垣無不完南東植柔桑欣欣條枚發向
日欲奮張衆草還芊芊朝雉鳴陽岡始旦荷畚
去取糞城邑旁敢辭作勞苦但願筋力強
上馬作將軍下馬作博士服賈真無良蓐食勤
穡事王朝列公卿田稅豈十二同里相勞勉牛
種更貸貫雖無凍餒憂未可悅親志親志在光
榮祿養乃始貴為詩獻儒宗秋獲見稔歲

初日詩八首

初日照我樹我樹日華滋檀欒綠陰合四顧無

曲枝盛暑熾煩歆其中有涼颶成林蔭千畝棲
息任所宜

初日照我墻我墻無文圻周遮限奔逸環堵存
屋隅聖譏糞土惡塗墜飾穢如畚鍤戒勞歌樂
此生其樞

初日照我屋我屋受陽光寒燠順時令風雨謹
蓋葺椽椽無文雕斫棟取材良聖亦善居室苟
完斯為域

初日照我書我書在東牖赫矣先聖言天地相
承久秦火雖燎原其灰為世壽人文待茲成老

死學敢後

初日照我田陂水方滿塍既忻穉耒穀復愛嘉
禾榮伏臘獻酒食報賽歲事成告僕緩尔私先
可輸王征

初日照我車我車不濡輪泥潦即不出旱復避
埃塵當轅駕一馬宜彼原隰平下澤非所慕朱
丹亦非情

初日照我池我池水波生芙蓉冒紅影黃盤蔭
綠英龜魚相浮游鳥雛弄新聲雖無臺與榭自
可娛幽情

初日照我衣我衣多賜服需我筐篚恩圖報命
莫贖養病得退歸持此侈君祿茫茫宇宙內被
體幾完足

飲田家留題

回家酒初熟邀予坐籬根我沒不辭飲喧譁輒
傾樽耳熱歌擊缶雜坐急卑尊論古似嘲謔顛
倒義與軒禮容或稍稍愛此情義敦丘原正春
意歸路花柳繁翻翻鳥飛去悠悠寄情言

史館閑題二首

騎馬到書省冠佩趨几筵豈但文字羨所樂長

官賢京國足府寺金穀相百千飛書日雜還奔
命愬不先肅肅館閣嚴操觚績簡編上有日月
光下有草木妍森羅大象列俟此言語宣塞予
昧儒學群髦序官聯遭逢賴明世益喜身悠然
畫省真仙居華屋映丹樹青石倚闌干松髮沐
雲霧綺疏刻連錢承塵畫翔鷺中有河漢文夜
深寶光聚玉函黃金鑰太史自侍御河上一豎
儒伊吾誦章句偶趁彤庭詔詞林迹天路雖樂
文雅懿終慙紬繹誤

祖生求母

風塵知無歸海波知無還所以求母人見似涕
已涸涕涸何時心得母始歡喜不見畎畝謠常
言樂平世

題米孝廉詩卷

仲子或乃廉匡章或乃孝是非相失真百世無
一道若人古君子二德夙所樂風聲苟不樹何
以達民教記實有遷固雄辭蔚文豹坐可卜傳
信高旻麗星皓

擬古二首

長安青雲士任俠日娛游千金為人壽萬金買

九二

二十二

名謳小舅拜郎官友婿恩澤侯出入意氣盛歡
樂不知憂銀枰薦海品羊酪乞蒼頭生逢承平
世死葬崇崙丘

早嫁金閨彥翡翠冠步搖纏臂七寶鈿繡袿襲
鮫綃江南茉莉粉塗頰數年嬌專房妬夫婿奩
錢媚神祆最恨蚕繅賤却恐鎖香銷

奉和王儀伯叅議龍門

衆鎮列方國茲山入叢霄隱雷鬱夜聲奔深劇
春潮披鬱不可升負翬詎能超媯練終爲神禹
鑿勞百僚我行當晨興雞鳴馬蕭蕭歸馬見闔

闔烟雲限絲罽所樂鎬京從敢賦淮南招摛辭
造鴉行藻思芳年彫飲酒輒亦醉汎汎風鷗飄
日畿夫容嚮玉軸九天遙高詠青霞篇翹首扶
桑搖

問燕

紫燕尾涎涎巢成引雛去秋風巢泥落燕去不
知處明年春社時又來哺雛兒不問主人誰還
可巢門楣

擬古二首

日轂麗中天重陰受大光甫田溉以泉嘉穀岐
穠芒美質膺教益釋然達善良區々事文法殊
河杯土防
驅車上疾阪六馬汗滿溝鮮航下急瀧百夫不
能留微機有逆順無用卜筮謀車遲或可安航
速或覆流

送別李彥方憲副之官

昔在翰林日與子同官聯出入文史間篇章雜
朱玄飲酒學士家走馬大道邊各不識時貴浩
氣超八埏今茲兩秃翁短髮咸被肩睽違諒不
樂國憲屬子宣

登都北神山醉中題壁

過溪踏瑤瓊入山採蒼翠仙宮名神山下負六
鰲背我來訪丹藥羽人已千歲清嘯響山谷幽
姿媚松檜白水從北來南與衆川會開窓日沃
野千峰儼相峙自是山林樂何但官爵貴買田
釀清泉里社日相慰詩成悵如失天風逼衣袂
東望鄒衍廟盃酒可遠酌談天劇當時古屋尚
粉繪騎驢獨歸去人世空一喟

種桃

種桃南山麓三歲不得實種瓜東郊園擷之在
百日豈不思遲暮終焉有常食如何種瑤草千
歲始一獲

王繼學同張學士壽寧宮祠宿奉寄一首

永日坐虛館晏然有餘清迤邐違世囂冲融叶
道情脩管文賦成歌詩藻思生涼颼入書幌逍
遙命觴酒披拂有庭花山石可擊拊下階就步
武布席思我友我友不可思方與神仙期栽栽
華陽巾左右委佩垂夜半登玄壇象緯光陸離
天門倘有遇為我含景滋

送郭用可教授雲南郡

駟騎道筇笻拖舟絕泮河西南古朱天謠俗雜
竒譌軒餉仍蛙爨毛裳啗麤羸良金飾長鋤翁
季輒交廟官家善羈縻獒受捫摩君徃教其
人為國揚餘波同文寔同仁萬里歸謳訶

穎郡

孤城介汝穎四野畫衍沃梁楚異風氣沉頓錯
封域昉昉墳壤美宜我稼稻粟居民尚朴儉遺
邦頗文物邈哉宋兩公當年擅高躅至今風月
夜西湖有鳴玉竭來載淮舟登高恣遊矚古老

不可問聲畢竟誰續

昌平道中次繼學韻

清朝富文物冠蓋塞兩京角藝百技並論經千
儒并下才忝供奉肅肅齋館清朝出都門道群
山愜幽情聯鑣有髦士海內馳英聲白馬嘶南
風羅袍映田塍咲我如培塿自此山崢嶸

度居庸關次繼學韻

飛鞚陟雲嶽決皆圖畫天風吹高寒山雨洒
長夏冥冥白鳥去窸窣松子下陸竹石當塗水
春泉繞舍高與蜀道齊深迺盤谷亞筍輿約重

來羸馬苦常跨朋從詠連疊酬應給閑暇得見
王子喬吾將駮鶴駕



Faint, illegible text visible through the paper, likely bleed-through from the reverse side.

